



FAKKEL-FLITSE

Weeklikse nuusflitse vir 'n ingeligte Framesby-familie!

Kontakbesonderhede: nuusbrief@framesby.co.za

Uitgawe 66: 30 Oktober 2015

MY KIND SE BESTE BELANG

Binne die finansiële bestuur en beplanning van elke huishouding moet daar uiteraard baie sterk gefokus word op prioriteite, en veral dat die uitgawes wat aangegaan word wel waarde tot die huishouding toevoeg. Dat ons groter waarde heg aan sekere prioriteite is 'n gegewe, en huis daarom dat ons opnuut skoolgeld-verpligtinge as prioriteit onder die loep moet neem.

Met die skepping van die destydse Model C-skole, en die huidige weergawe daarvan, het die staat bykans al hul opvoedkundige finansiële verpligtinge na die beheerliggame van skole, en in die finale instansie na die ouers, afgewentel. In die geval van hierdie skole, waarvan Framesby een is, neem die staat slegs verantwoordelikheid vir die salarisste van 'n bepaalde "kwota" onderrigpersoneel, wat jaarliks hersien en aangepas word. Die ouerkorps is dus ten volle verantwoordelik vir alle ander uitgawes, wat selfs munisipale dienste insluit.

Die grootste voordeel wat hieruit gespruit het, was dat beheerliggame skoolgelde kon hef, en uit hierdie fondse addisionele personeel kon aanstel om die gehalte van onderrig te verbeter, en 'n positiewe leeromgewing te bevorder deur klasgroottes binne hanteerbare grense te hou. In die proses kan 'n bepaalde etos, visie en misie gehandhaaf word waarbinne die betrokke gemeenskap veilig en tuis kan voel.

Hierdie skole begroot dus jaarliks om binne hierdie raamwerk die belangte van hul leerders, en ouers, te dien en gehalte-onderrig te verseker. Dis egter ook noodsaaklik dat skole te alle tye moet kan voldoen aan die eise wat deur tegnologiese ontwikkeling gestel word, en ook tred moet hou met die realiteit van die arbeidsmark, ten einde die leerders so goed as moontlik toe te rus vir die toekoms. Dis ook nie net binne die klaskamer waar die leerders toegerus moet word nie, maar ook op die sportveld of op die verhoog, waar gesonde mededinging teen die beste onuitwisbare lewenslesse en bepaalde waardes by die leerders kweek en vestig.

Dis dan huis by hierdie begrotingsproses waar die knelpunt lê! Om die balans tussen die wenslys om te "Handhaaf en te Bou", en om ons *opvoedkundige roeping* werklik tasbaar uit te leef, en die verlammende finansiële eise op ons skoolgemeenskap te vind, is 'n enorme uitdaging. Daarom word die hele proses met die grootste omsigtigheid en empatie benader en hanteer, ondanks die persepsie by sommige dat die teendeel waar is!

Framesby staan vir bepaalde waardes en streef werklik daarna om die potensiaal van elke leerder ten volle te ontfang, en wil graag aan elke leerder 'n voorsprong in die lewe gee. Dit behoort 'n gegewe te wees dat elke ouer wie se kind hier 'n leerder is, hierdie beginsels sal onderskryf. En huis daarom is baie ouers bereid om hul eie begrotings tot op die been te sny, net om hul kinders die geleentheid te bied om in hierdie skool te wees.

Elke ouer weet wat hy/sy vir hul kinders wil hê, en moet met 'n oop gemoed oordeel in watter mate Framesby aan hierdie verwagtinge voldoen. Emosies kan nie in hierdie geval hoogty vier nie. FRAMESBY IS WAARDE VIR GELD!

BEGROTINGSVERGADERING

19 November

SKOOLSAAL

19:00

VERJAARDAE HIERDIE WEEK

Saterdag

Michael Coertzen 8D

Melandi Marais 9A

Tiaan Olivier 12B

Rochelle van Graan 12B

Annalien van Rooyen 12C

Elné Vosloo 8B

Sondag

Stefan Gerber 12D

Enrico Keyter 9D

Duwayne Lawack 9G

John Henry Muller 9G

Shaniël Swanepoel 8C

Maandag

Geen

Dinsdag

Geen

Woensdag

Ruben Campher 9C

Nicole Ellis 10A

Amber Hoogh 11A

Donderdag

Clané van Staden 11B

Vrydag

Melanie Bester 11C

Renaldo Booyens 8D

Christo Grobler 8D

PRESTASIES, UITSLAE EN HARDE WERK



KRIEKETGIRLS SIT PEARSON ORE AAN!

Die Framesby-dogterskrieketspan het in die afgelope week uitstekend gevaar deur Pearson vir die eerste keer in drie jaar oortuigend te klop.

Ons het eerste gekolf en 117 lopies aangeteken. Ons beste kolwer was Anneke Kapp wat 48 onoorwonne lopies aangeteken het.

Pearson het hierna gaan kolf en kon net 102 lopies in 18 beurte aanteken. Ons beste bouler was Kristen van Rooyen wat 5 paaltjies laat kantel het in 5 beurte, terwyl Monique Ferreira ook baie goed gedoen het deur elk 2 paaltjies te neem. Pragtige uitslag, meisies!

Ons is baie trots op ons krieket-dogters wat elke jaar baie goed presteer, en ook al verskeie OP-speelsters opgelewer het. Onder die bekwame leiding van mej. Smith het hulle tot 'n krag in die OP ontwikkel. Ons sien baie uit na nog 'n suksesvolle seisoen volgende jaar. Baie dankie ook aan Claire en Jana wat die dogters so mooi afriq.

REKENAARKLUB-SPAN MAAK HUL MERK!

Framesby se Rekenaarklub het verlede naweek deelgeneem aan die provinsiale FIRST Lego League (FLL)- kompetisie.

FLL bestaan uit drie dele, die robot spel, 'n projek, asook 'n lys van kernwaardes. Al drie komponente word beoordeel om deur te kan dring na die volgende rondte. Die tema van die kompetisie verander ook elke jaar na 'n ander wêreld-probleem waar rondom die projek en robot spel draai. Die robot spel word oor drie rondes van twee en 'n half minute elk afgelê. Die ronde waarin die hoogste punte behaal word se punte word dan gebruik vir die finale uitslag.



Ekle span bou 'n robot wat hulle self moet programmeer om bepaalde bewegings te kan uitvoer. Hierdie jaar het ons span baie goed gevaar deur die tweede plek in die robot spel te verower, met 'n puntetotaal van 370 punte. Hulle wil graag hierop verbeter deur volgende jaar te poog om deur te dring na die nasionale kompetisie. Vir 'n video van ons beste robot spel-rondte, gaan gerus na ons webtuiste, <http://www.framesby.co.za>. Klik op Sport en Kultuur, en daarna op Rekenaarklub.

Die rekenaarklub staan onder leiding van mnr. Gerhard Steyn en die manne wat vanjaar ons naam hoog gehou het en op die foto hierbo verskyn is Divan Potgieter, Luan Ras, JP Kleynhans en Matthew Smuts. Veels geluk, manne!



Betaal u kind se skoolfooie met u Sambakaart en kry kontant terug !

Die skool het hande gevat met Samba en kan ouers by Samba aansluit en hul skoolgelde van Hoërskool Framesby met hul Sambakaart betaal en **kontant terug ontvang daarop aan die einde van November elke jaar**.

Behalwe vir die **aflat van 2.5% op u skoolfooie**, kan u u Sambakaart gebruik as betaalmetode vir al u maandelikse aankope en ontvang u **kontant terug van tussen 2% en 6% op al u aankope** (brandstof uitgesluit) by enige winkel met wie Samba 'n ooreenkoms het.

Daar is meer as 1 540 handelaars en ongeveer 39 landswye kettingwinkels soos **Builders Warehouse, Cape Union Mart, Clicks, Checkers, Dis-Chem, Pick n Pay, Tekkie Town, Woolworths, 32 apteke, 11 Spar winkels** (insluitende Sunridge en Mount Pleasant Superspar) en nog baie meer waar u Sambakaart aanvaar word.

U ontvang nie net kontant terug op u aankope nie, maar betaal ook **geen transaksiekoste** soos met u bankkaart nie.

AKADEMIESE NUUS

GRAAD 8 EN 9 EINDEKSAMENROOSTER

Maandag 9 November	Natuurwetenskappe	English Paper 2
Dinsdag 10 November	Afrikaans Vraestel 2	Sosiale Wetenskappe
Woensdag 11 November	Tegnologie English Paper 3	Afrikaans Vraestel 2
Donderdag 12 November	English Paper 2	Lewensoriëntering English Paper 3
Vrydag 13 November	Sosiale Wetenskappe	Natuurwetenskappe
Maandag 16 November	Wiskunde	EBW
Dinsdag 17 November	Skeppende Kunste	English Paper 4
Woensdag 18 November	Afrikaans Vraestel 4	Wiskunde
Donderdag 19 November	Lewensoriëntering Afrikaans Vraestel 3	Afrikaans Vraestel 4
Vrydag 20 November	English Paper 4	SkeppendeKunste Afrikaans Vraestel 3
Maandag 23 November	EBW	Musiek
Dinsdag 24 November	Xhosa Musiek	Tegnologie

Die Graad 8's en 9's is tans nog volstoom besig met gewone onderrig, terwyl ons senior grade reeds met hul eindeksamen begin het. Die grootste rede hiervoor is dat heelwat werk nog afgehande moet word in die 4de kwartaal. Dis BAIE noodsaklik dat ALLE leerders elke dag teenwoordig moet wees, aangesien die werk wat nou behandel word, beslis in die eindeksamen getoets sal word, en in die meeste gevalle 'n beduidende gewig in die eksamen sal dra.

Die normale skoolprogram word gevolg tot volgende Vrydag (6 November). Soos dit die afgelope week die geval was, sal die skool tot dan daagliks om 13:00 sluit.

Tydens die eksamen moet alle leerders soos normal om 07:40 aanmeld. Die skryfsessie sal daagliks tot 11:30 duur, waarna die leerders huis toe kan gaan. In die gevalle waar twee vraestelle op een dag geskryf word, sal die skryftye so gereel word dat die leerders steeds om 11:30 sal klaarmaak. Ons sal u in kennis stel indien ons van hierdie reëling sou moet awyk.

VANJAAR SE TOP AKADEMIESE PRESTEERDERS



Moore Stephens-trofeeeweners (Wiskunde en Rekeningkunde): Willem Adriaan Odendaal, Stehan Krause, Jozua Marais, Sanri Marx en Ludévin Parkinson



Meeste meritetipiunte Gr. 12: Anel Gerber



Eerste Klasposisies: Carli van Onselen (Gr. 8), Megan Tait (Gr. 9), DJ van der Merwe (Gr. 12), Ian Gerber (Gr. 10) en Ludévin Parkinson (Gr. 10)

Dux-leerlinge: Lizelle Botha en DJ van der Merwe

ALGEMEEN EN SIELSKOS

LYDING MOET VERWERK WORD

DIT is altyd pynlik om te ly. Ons hele wese kom daarteen in opstand. Ons is gemaak vir vreugde en ons hart verlang na geluk. Daarom vlug ons spontaan weg van alle lyding en begeer ons om nooit aan enige lyding onderwerp te word nie. En tog is dit so dat daar niemand van ons is wat nie op een of ander wyse moet ly nie. Ons kan dit nooit heeltemal vermy nie. Nie almal ly op dieselfde wyse nie en alle lyding is ook nie ewe intensief nie. Die spreekwoord sê egter dat elke huis sy kruis het en elke hart sy smart. Ons kan nie alle pyn uit ons lewe ban nie. Die lewe is nie net kortstondig en verganklik nie. Dit is ook vol teleurstelling en leed. Ons het ook geen belofte in die Bybel dat ons teen alle lyding beskerm sal word nie. Inteendeel, die Bybel is vol voorbeeld van hoe Gods kinders met lyding geworstel het. Die boek Job staan nie verniet in die hart van die Ou Testament nie. Die Psalms is vol van die sugte van die vromes. Profete soos Habakuk twis met God oor die onreg, lyding en verdrukking in die wêreld. Selfs Paulus ken 'n doring in die vlees wat nie van hom weggeneem word nie. Rom. 8 praat oor die sugte van die hele skepping en die kinders van God om van verganklikheid en verydeling bevry te word. Dit beteken dat ons as mense, en spesifiek as Christene, die kuns moet leer om met lyding saam te lewe. Ons kan dit nie ontvlug nie, maar ons kan leer om op die regte wyse daarteen te stry. Die Bybel gee ons vrymoedigheid om te bid en te worstel om van konkrete gestalte van ons lyding verlos te word. Maar die Bybel leer ons ook om met lydsaamheid en geduld die deel van ons leed en lyding te verdra wat God nie van ons wegneem nie en dit so geestelik te oorwin. Die apostel Petrus vermaan die gelowiges om hul lyding op 'n gelowige wyse te verwerk. Hy noem dit selfs 'n voorreg om te ly as hulle doen wat reg is, en hy wys op die geseënde vrug wat lyding in 'n mens se lewe kan hê. Hy herinner hulle daaraan dat hul medegelowiges dwarsdeur die wêreld ook aan lyding onderworpe is (1 Pet. 3:5). Hoe waar dit ook is dat ons nie maar in dowswe berusting alle lyding as die wil van God moet aanvaar nie, is dit tog ook waar dat daar 'n punt in ons lewe kom waar ons lyding alleen geestelik kan oorwin as ons bereid is om dit op te neem en as ons kruis te dra. En vir gelowiges is dit die groot troos dat hulle al hul lyding, van watter aard dit ook al is, mag verstaan as lyding saam met Jesus. Ons deel met ons klein bietjie lyding in die lyding waarmee God aan die wêreld ly en in die lyding waaronder sy liewe Seun, Jesus Christus, geknak is. Maar huis daarom mag ons wat in die opstanding van Christus uit die dode glo, ook soveel vaster hoop op die totale bevryding van alle leed wanneer Hy eenmaal in heerlikheid kom en God alle dinge nuut sal maak.

Uit Die Burger 20 April 1991



Senior Grade Eksamens

VAKKE HIERDIE WEEK

GRAAD 12		
	09:00	14:00
Maandag 2 November	Wisk/WG V2 (3 ure)	
Dinsdag 3 November	CAT V2 (3 ure)	
Woensdag 4 November		IGO V1 (3 ure)
Donderdag 5 November	English P2 HL(2½ hrs) FAL (2h)	
Vrydag 6 November	Fisiiese Wet. V1 (3 ure)	
GRAAD 11		
	08:30	12:30
Maandag 2 November	Lewenswet. V2 (2½ ure)	
Dinsdag 3 November	Wisk V1(3 ure) WG V1 (2½ ure)	Afrikaans Vraestel 2 (2½h)
Woensdag 4 November		
Donderdag 5 November	IT Teorie (3h)	English P3 (2½ hrs)
Vrydag 6 November	Wisk V2(3 ure) WG V2 (2½ ure)	Musiek V1 (3 ure)
GRAAD 10		
	08:30	12:30
Maandag 2 November	Lewenswet. Vraestel 1	
Dinsdag 3 November	Toerisme	Afrikaans Vraestel 3
Woensdag 4 November	Wisk V1(3 ure) WG V1 (2 ure)	
Donderdag 5 November	CAT Vraestel 2	
Vrydag 6 November	Geografie V1 Musiek V1	Geografie V2